


www.BibleForChildren.org

Mataio 26



Pasova o
luda tarimari
mase aneruna na
evanaḡirito moḡo
verekona tu ḡaro
imaima sebona (6) roḡo
ḡoirai nuḡanai, Iesu Betania
ḡana eiaḡoto. Lasaro tu Betaniai
etanuto-ḡoi, ema monai emaseto,
ma Iesu na mase na evaḡa-variḡisiato.



Benamo
Maria na
muramura
bonana namo
vedaureana lita
kwana kavana eḡabiato,
benamo lesu kwakuna
fanafanana ediḡa-iaḡiato,
ema ḡuina na lesu
kwakuna fanafanana ma
edau-kaukauato. Ma numa
mabarana tu mo muramura
bonana na evaiato. Mo muramura
tu ḡauḡa arana nad ḡokana na ḡeveito-ḡoi,
ema voina tu varaḡe rakava.



Benamo Iudas Isakariota, gabanana ruarua (12)
tarimana ta, Rubu Veaḡa vereri baregori ḡeri ai eiaḡoto,
Iesu benea revaia ḡia ḡeri ai ḡana.

Benamo ḡia na ḡeseḡaḡiato nai,
ḡeiaku-rakavato, benamo
ḡekira-toreato, moni beḡe
viniani. Benamo Iudas
na ḡimari ai
betore-kauani
dabarana ma
evetauato-ḡoi.



Benamo mero Iesu na ekirarito
ilailanai vereko ġevei-toreato.
Ġeġaniġanito-ġoi nuġanai,
Iesu na beredi eġabiato, Barau
evaġa-namoato, etaviato, evinirito,
benamo ekirato, “Ġoġabia,
ġoġania, mai tu au tauġanigu.”



Ĝia na kapusi ma eĝabiato,
evaĝa-namoato murinai, evinirito,
ekirato, “Ĝoniua, ĝomi mabarami.
Korana mai tu au raragu, Ginitaĝo
Variĝuna evaĝa-moĝoniani,
bevebubuni, tarimarima ĝutuma
ĝeri rakava tuĝamaĝi-fitoĝari ĝana.”



“Simona, Simona o, noseḡaḡi! Au na akiramini, Barau na Satani maoro eviniato, ḡomi bene ribaḡanimi, namo e rakava bene tore-kirari ḡana, noḡa iaraḡa tarimana na widi ema momo etore-kirarini kavana. Senaḡi au na ḡemu varau aḡuriḡurito, ḡemu veḡabidadama asi bene keto ḡana. Benamo ma bovetuḡamaḡi-ḡenoḡoini au ḡegu ai nai, tarikakamu bono vaḡa-kokoreri.”



Petero evaḡa-veseto, ekirato, “Vereḡauka, au tu ḡoi ḡesi dibura numai beḡe torerani ema bita mase-vegogoni!” Iesu ekirato, “Petero, au na akiramuni, toma kokoroku asi begoḡini, beiaḡoni mo, ḡoi na au vaḡa-toitoi bokira-ḡuniḡauguni, bokirani, ‘Au tu asi ribagu ḡia,’ botoni.”




Iesu ma ġena mero ġesi
ġeiaġoto gabu ta arana
Getesemane, benamo
ġia na evaġa-guruġarito,
ekirato, “Mainai
ġotanutaġo, au tu iomo
ġana aiaġoni, naġauġau.”
Ekirato, “Tama, Tamagai
o, dagara mabarari ġoi
ġemu ai veiveiri tu ilaila.
Mai midigu bedina ġeguna
noma ġabi-vaġia. Senaġi
dia au ġegu ura, ġoi ġemu
ura moġo.”



Moġesina naima Iudas na Roma vetari tarimari e Rubu
Veaġa ġitaġauna tarimari tari eġoririto. Mo Rubu
Veaġa ġitaġauna tarimari tu Rubu Veaġa vereri
baregori e Farisea tarimari na ġetuġurito.
Benamo mo vamoka ġana ġeiaġoto, ma
tosiri, ma lamefari, ema ma ġeri
vetari farefareri. Benamo ġia ta
na Rubu Veaġa verena
baregona ġena vetuġunaġi
tarimana vetari baġana na
eiaġo-viniato, benamo seġana
aroribana ebasi-vaġiato.
Senaġi Iesu ekirato, “Benamo,
ġovaġa-dokoa!” Mo tarima
seġana eġabi-karaiato, evaġa-namoato.



Benamo ġia na lesu ġeġabi-tariato, Rubu Veaġa
verena baregona ġena numa ġana ġeġori-iaġoato.
Petero maki ġia murinai erakato, senaġi ma
fakana. Numa maġuna
nuġanai tarima kota na
karava ġevaġa-ġaraiato,
benamo
ġetanu-ġeġeraġiato.
Petero maki ġia
seviri ai
etanu-tarito.



Rubu Veāga verena
baregona ġena
vetuġunaġi-iaġovini
tarimana ta tu mo
Petero na seġana
ebasi-vaġiato tarimana
garagarana ta, ġia ekirato,
“Au atuġamaġini tu, ġoi maki
ġia ġesi mo vamoka nuġanai
aġitamuto banaġu, ene?” Petero
ma evekira-ġuniġau ġenoġoito, ma
nuġanai asikauna tu kokoroku
egoġito. Benamo Petero
eraka-rosito, etaġi-rakava rakavato.




Benamo vegogo tarimari mabarari
ġevariġisito, Iesu ġeġori-iaġoato
gavana Pilato ġenai. Benamo Pilato
na edanaġiato, ekirato, “Ġoi tu Iuda
tarimari ġeri vere ba?” Iesu
evaġa-veseto, ekirato,
“Oi, okiraġiani maniġa.”
Pilato enuġa-vekwaraġito
Iesu bene ruġaia, moġa
lorinai tarimarima ma


evaġa-guruġa ġenoġoirito,
senaġi ġia ma ġekoġo-ġenoġoi
ġenoġoito-ġoi, ġekirato,
“Novaġa-satauroa,
novaġa-satauroa!”




Benamo Pilato na Iesu ġia ġimari ai
etore-kauato beġene vaġa-satauroa
ġana. Benamo vetari tarimari o soldia
na Iesu ġeġabiato, ġeġori-iaġoato. Ma
Iesu na ġena satauro efaġa-vaishiato,
eraka-rosito, eiaġoto gabu arana “Deba
Ġavana Gabuna” ġana. Heberu garonai
mo gabu arana tu “Golgota”.



Mo gabu ai ġia na Iesu
ġevaġa-satauroato tarima
ruarua ġesi; ta tavi tai, ta tavi
tai, ma Iesu tu nuġanai.



Benamo Rubu Veāga nuḡanai veāga lelevaḡi
daiḡutuna kouḡauna dabuḡana o ketin
evedare-kikimato. Iesu ekoḡoto,
ekirato, “Tamagu o, iaukagu
tu ḡoi ḡimamu ai atoreani!”
Eguruḡa-ḡosito vau
emaseto.



Iosefa, Arimatea vanuā tarimana,
ġematauraiato-ġoi kanisoro fakari
ai tarimana ta, Barau ġena
Basileia evaā-nogaiato-ġoi
tarimana, Pilato ġenai
eiaġoto, benamo
enoġi-ginikauato,
lesu tauġanina
bene ġabia etato.



Moğa murinai Iosefa na dabuğa
kurokurna namona ta evoiato,
benamo Iesu eġabi-riġoato,
dabuğa na ekumuato. Gara
gabuna fore kouġanai ea
tore-toġaiato murinai,
fore baregona na
ġatama-boka
ekure-ġauato.



Vereko ġevei-toreani ġarona ekorito
vau, Sabadi varau beġabia, Rubu
Veaġa vereri baregori e
Farisea tarimari Pilato
ġenai ġeiaġoto, . . .



. . . ġekirato, “Verebara, ġai
ġatuġa-maġini, mo
ġofaġofa tarimana roġo
maġuri nai, ekirato,
‘Ġaro toitoi murinai
au tu mase na ma
bavariġisi-ġenoġoini.’”



Benamo gara ġana ġeiaġoto, guri
kouġana ekou-ġauato
forena ġekada-ġauato,
tabu vetoġana ta
ġeveiato, benamo gadi
tarimari ġetorerito,
beġene riviġaua.




Sabadi ekorito murinai, fura ġarona
giniguinenai, boġiboġi iamoiamo,
Maria, Magadala vavinena,
Maria ta ġesi ġeiaġoto, gara
gabuna ġea ġitaiato.

Asikauna tu tano-iaga
baregonā eġorato,
korana Vereġauka
ġena aneru ta
guba

na emariġoto, fore
ekure-veġitaiato,
benamo iatanai
etanukauto.



Guri gabuna ġeġitaġauto tarimari
tu ġegari-rakavato nai
ġeġoġo-ġoġorito, benamo
tano ai ġeketo-tarito mase
tarimari kavana.



Aneru na mo vavine evaā-guruārito,
ekirato, “Asi āogari, au ribagu
āomi tu Iesu,
āevaā-satauroato tauna,
āovetauani. Āia mainai
tu asiāina; āia tu
bevariāisi-āenoāoi,
evaā-guruāmīto
ilailanai.



Āetoreato gabuna
āoma āitaia.”



Benamo mo vavine na guri gabuna
ḡeragakwane-ḡariḡariato, ma gariri
e ma verereri ḡesi ḡeragato ḡena
mero ḡeri ai, mo aneru ḡena
guruḡa ḡea vaḡa-ribari ḡana.



Ĝeragato-ĝoi nai, asikauna lesu
tu ĝia ĝoirari ai eruĝato, ekirato,
“Maino ĝomi ĝesi bene tanu!”
Benamo ĝoiranai ĝevetui-tarito,
kwakuna ĝeregorito,
ĝetoma-rakariĝo viniato.





Moġa murinai ġena mero gabanana sebona (11)
ġeġaniġanito-ġoi nuġanai, ġeri ai efoforito, evanerito,
korana asi ġeri veġabidadama e ġeri nuġa-gwaġiġi
dainai, korana mase na evariġisi-ġenoġoito murinai,
ġeġitaiato tarimari ġeri guruġa asi ġevaġa-moġonirito.
Iesu Vereġauka na evaġa-guruġarito murinai, Barau
na eġabi-vaishiato, guba ġana evaraġeto, benamo
Barau aroribana rekenai etanu-tarito.



Korana Barau na tanobara
euravini-baregoato nai, Natuna
ḡora ḡereḡa evinirato, be ḡia beḡe
ḡabidadama-viniani tarimari mabarari
tu asi beḡe maseni, a maḡuri
vanaḡivanaḡi beḡe
ḡabiani.



Roma 3:23

Korana tarimarima mabarara tu rakava tarimara moġo, be mabarara Barau marevana namona ġenana taveġitato.

Roma 6:23

Korana rakava voina tu mase, a Barau ġena varevare ġera Vereġauka Keriso Iesu ġenana bita ġabiani dagarana tu maġuri vanaġivanaġi.

Heberu 9:27

Evetoreto, tarimarima mabarari tu vaġa-sebona moġo beġe maseni, ma murinai tu Barau na bevaġa-kotarini.



Efeso 2:8,9

Ġomi tu ġemi veġabidadama ġenana Barau na ġena namo e varevare-barai evaġa-maġurimito. Ġomi tu dia tauġemi ġemi kokore na ġovevaġa-maġurito. Asiġina, mai tu Barau ġena varevare ġita evinirato. E dia ġomi ġemi ġauvei dairi ai voimi ġoġabiato dagarana, be moġa veiavina tarima ta asi bene vei.

Roma 10:9,10

Mo tu bema murumu na boguruġa-foforini, bokirani, “Iesu tu Vereġauka,” botoni, ma lorumu ġutuna bovaġa-moġoniani, ġia tu Barau na mase na ma evaġa-variġisi ġenoġoiato nai, Barau na bevaġa-maġurimuni. Korana loruna ġutuna na evaġa-moġoniani tarimana tu, Barau ġoiranai vei-iobukaiobuka tarimantai eiaġoni; ema muruna na eguruġa-iaġi foforini tu, maġuri edoġariani.



Ioane 3:16,17

Korana Barau na tanobara euravini-baregoato nai, Natuna ġora ġereġa evinirato, be ġia beġe ġabidadama-viniani tarimari mabarari tu asi beġe maseni, a maġuri vanaġivanaġi beġe ġabiani. Korana Barau na Natuna etuġu-mariġoato tanobara ġana tu, dia tanobara bene vaġa-kotaia ġana, senaġi tanobara ġia bakunai bene maġuri ġana.

1 Ioane 5:11-13

Guruġa moġonina tu maiġa: Barau na maġuri vanaġivanaġi varau evinirato, ema mo maġuri vanaġivanaġi tu ġia Natuna nuġanai. Barau Natuna eġabi-raġeato tarimana na maġuri eġabiato. A Barau Natuna asi eġabi-raġeato tarimana na maġuri asi eġabiato. Maiġeri guruġa tu ġomi, Barau Natuna arana ġovaġa-moġoniani tarimami, atore-vinimini, korana tu boġono riba, ġomi tu varau maġuri vanaġivanaġi ġoġabiato.



Mataio 26-28; Luka 22-24; Ioane 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Sinaugoro NT (snc) © 1995, Wycliffe Bible
Translators, Inc. All rights reserved.

<https://www.bible.com/bible/1346/MAT.1.SNCNT>

©2026 Bible for Children, Inc.

www.M1914.org

www.bibleforchildren.org

